

四庫全書薈要

• 乾隆御覽本

集部

集千家註杜工部詩集卷十六

孟冬

大歷元年冬夔州作鶴曰  
公時寓居夔州之西閣

殊俗還多事方冬變所為破甘霜落爪嘗稻雪翻匙  
巫峽寒都薄烏蠻瘴遠隨終然減灘瀨暫喜息蛟螭

悶

瘴癘浮三蜀風雲暗百蠻卷簾唯白水隱几亦青山猿  
捷長難見鷗輕故不還

五字有味  
如失吾伴

無錢從滯客有鏡巧

催顏

顏曰變在三蜀之下百蠻之北故云

雷

巫峽中宵動滄江十月雷龍蛇不成蟄天地劃爭迴

每有

氣魄變化目前

却碾空山過深蟠絕壁來何須妬雲雨霹靂楚

王臺

朝二首

清旭楚宮南霜空萬嶺含野人時獨往雲木曉相參俊  
鵲無聲過飢鳥下食貪病身終不動搖落任江潭

趙曰郭璞

江賦視秀侵於清旭庾信枯樹賦昔年  
移柳依依漢南今看搖落悽愴江潭

浦帆晨初發郊扉冷未開村疎黃葉墜

寒風疎草木兩  
疎字不如此有

色野靜白鷗來礎潤休全濕雲晴欲半迴巫山冬可怪

昨夜有奔雷

趙曰帆扶泛切夢符曰  
淮南子山雲蒸柱礎潤

### 南極

南極青山衆西江白谷分古城疎落木荒戍密寒雲歲  
月蛇常見風颯虎忽聞近身皆鳥道殊俗自人羣睥睨  
登哀柝蜚弧照夕曛亂離多醉尉愁殺李將軍

夢弼曰  
睥睨城

上女牆也趙曰左傳鄭伯之旗整弧洙曰漢李廣屏居  
藍田南山中射獵嘗夜從一騎出從人田間飲還至亭  
霸陵尉醉呵止廣廣騎曰故李將軍尉曰  
今將軍尚不得夜行何故也宿廣亭下

# 晚

杖藜尋晚巷炙背近牆暄人見幽居僻吾知拙養尊朝  
廷問府主欲知朝廷則問府主是野人之意但語朴又可兩解耕稼學山村歸翼  
飛棲定寒燈亦閉門

# 西閣夜

恍惚寒山暮遙迤白霧昏山虛風落石樓靜月侵門擊

析可憐子無衣何處村時危關百慮盜賊爾猶存

月圓

孤月當樓滿寒江動夜扉委波金不定照席綺逾依未

缺空山靜高懸列宿稀故園松桂發萬里共清輝

洙曰漢郊

祀歌月穆穆以金波  
江淹詩綺席生浮埃

中宵

西閣百尋餘中宵步綺疏飛星過水白落月動沙虛

語無

詭特寫擇木知幽鳥潛波想巨魚親朋滿天地兵甲少

來書

夢弼曰後漢梁冀窓牖皆有綺疏注錄為綺文也

不寐

瞿唐夜水黑城內改更籌  
騎騎月沈霧輝輝星近樓氣

衰甘少寐心弱恨容愁

寫得婉至亦自知之耳弱本不多何所容之多也

多墨

滿山谷桃源無處求

洙曰禮記四郊多壘

鷗

江浦寒鷗戲無他亦自饒  
却思翻玉羽隨意點春苗雪

暗還須落風生一任飄  
幾羣滄海上清影日蕭蕭

子美賦物

別自為體異  
於唐人纖巧

### 猿

裊裊啼虛壁蕭蕭挂冷枝艱難人不免隱見爾如知可感

慣習元從衆

五字似率然亦有見後又云後挂時相學乃工

全生或用奇前林

騰每及父子莫相離

夢弼曰見賢通切

### 黃魚

日見巴東峽黃魚出浪新脂膏兼飼犬長大不容身筒  
甯相公父風雷肯為神泥沙卷涎沫回首怪龍鱗

謂不容其



長大語恨風雷肯為神惜其不容以自脫然以此魚視泥沙涎沫之變又未必不怪其言也。○三句迂濶有味蒼舒曰鹽鉄論江陵之人以魚飼犬洙曰筒簞捕魚器也

# 白小

白小羣分命天然二寸魚細微霑水族風俗當園蔬入

肆銀花亂傾箱雪片虛生成猶拾如盡取義何如賓退錄云

靖州圖經載其俗居喪不食酒肉鹽酪而以魚為蔬今湖北多然謂之魚菜不特靖也老杜白小詩云白小羣分命天然二寸魚細微霑水族風俗當園蔬正指此蓋老杜嘗往來荆楚而此詩則嘉興魯氏定為夔門所作夔亦與湖北相鄰故也注杜詩者皆不及此洙曰易繫辭物以羣分張平子西京賦獲胎拾卵蜺蜃盡取

麕

永與清溪別蒙將玉饌俱

十字無限傾盡

無才逐仙隱不敢恨

庖厨

又是一意

亂世輕全物

非熟諳寇亂之景未易為此言也傷哉

微聲及禍

樞

又

衣冠兼盜賊餐餐用斯須

又

一意。衣冠兼盜賊語開餐餐為此

鸚鵡

鸚鵡含愁思聰明憶別離翠衿渾短盡紅觜謾多知未

有開籠日空殘宿舊枝世人憐復損何用羽毛奇

委折可誦

洙曰補銜鸚鵡賦紺

趾丹觜綠衣翠衿

雞

紀德名標五初鳴度必三

非工部無此語

殊方聽有異失次曉

無愁

五字備

問俗人情似充庖爾輩堪氣交亭育際巫

峽漏司南

洙曰難有五德見韓詩外傳趙曰劉綽啟一物之微遂留亭育

昔遊

鷄曰此詩叙與高李同遊時在開元二十五年

昔者與高李

公自注高適李白

晚登單父臺寒蕪際碣石萬里

風雲來桑柘葉如雨飛藿共徘徊清霜大澤凍禽獸有餘哀是時倉廩實洞達寰區開猛士思滅胡將帥望三

台君王無所惜駕馭英雄材幽燕盛用武供給亦勞哉  
吳門轉粟帛泛海陵蓬萊肉食三十萬獵射起黃埃隔  
河憶長眺青歲已摧頽不及少年日無復故人杯賦詩  
獨流涕亂世想賢才有能市駿骨莫恨少龍媒商山議  
得失蜀主脫嫌疑呂尚封國邑傳說已鹽梅景晏楚山

深水鶴去低徊龐公任本性攜子臥蒼苔

鮑曰唐志單父屬宋州夢

粥曰碣石海傍山也夢符曰肉食字見左傳夢粥曰青  
歲猶言青春也洙曰市駿骨注見前龍媒良馬也商山  
議得失謂四皓出而安漢太子蜀主脫嫌疑謂劉備之  
得孔明情好自密呂望封於齊營丘傳說相殷高宗此

皆際時而有為者也龐德公攜  
妻子隱鹿門山公以自況耳

寄杜位

公自注頃者與位同在故嚴尚書幕

寒日經簷短窮猿失木悲峽中為客恨江上憶君時天  
地身何往風塵病敢辭封書兩行淚霑洒裏新詩

送鮮于萬州遷巴州

趙曰鮮于名晃仲通之子也仲通與弟叔明俱嘗為京兆

尹

京兆先時傑琳琅照一門朝廷偏注意接近與名藩祖

帳維舟數寒江觸石喧看君妙為政他日有殊恩

洙曰漢疏

廣傳設祖道供  
張東都門外

西閣三度期大昌嚴明府同宿不到

問子能來宿今疑索故要匣琴虛夜夜手板自朝朝金

吼霜鐘徹

其人必能琴金吼霜鐘與其音也

花催蠟炬銷早鬼江檻底

雙影謾飄飄

趙曰今疑索故要謂不來宿者疑我以尋索故要我也夢符曰山海經壘山之鐘霜

降自鳴洙曰早鬼

用王喬鬼舄事

西閣曝日

凜冽倦玄冬負暄嗜飛閣羲和流德澤顙頊愧倚薄毛

髮具自和

具自猶本自

肌膚潛沃若太陽信深仁衰氣歛有

託歌傾煩注眼容易收病脚流離木杪猿翩躑山顛鶴

朋知苦聚散哀樂日已作即事會賦詩人生忽如昨古

來遭喪亂賢聖盡蕭索胡為將暮年憂世心力弱

夢弼曰頽

頽北方之帝倚薄謂附著而陰氣逼人

也謝靈運詩拙疾相倚薄

小至

夢符曰式云陽為大陰為小冬至陰極故曰小至

天時人事日相催冬至陽生春又來刺繡五紋添弱線  
吹葭六琯動浮灰岸容待臘將舒柳山意衝寒欲放梅

雲物不殊鄉國異教兒且覆掌中杯

夢弼曰唐雜錄宮中以女工授日之

長短冬至後日晷漸長比常日增一線之工洙曰續漢書以葭莩灰實律之端按歷者候之氣至則灰飛而管通左傳凡冬至啟閉必書雲物

### 縛雞行

小奴縛雞向市賣雞被縛急相喧爭家中厭雞食蟲蟻  
不知雞賣還遭烹蟲雞於人何厚薄吾叱奴人解其縛  
雞蟲得失無了時注目寒江倚山閣

短篇偶然正合如此本無奇特評者

既過效者失之



玉腕騮

公自注江陵節度衛公馬也鶴曰衛伯玉時為荆南節度等使加檢校工部尚書

聞說荆南馬尚書玉腕騮頓驂飄赤汗跼蹐顧長楸胡虜三年入乾坤一戰收舉鞭如有問欲伴習池遊

洙曰漢郊

祀歌天馬下露赤汗曹子建詩走馬長楸間習池注見前

見王監兵馬使說近山有白黑二鷹羅者久取竟未能得王以為毛骨有異他鷹恐臘後春生鸞飛避暖勁翮思秋之甚眇不可見請余賦詩二首

鶴曰

公嘗賦王兵馬使二角鷹見前

雲飛玉立盡清秋不惜奇毛恣遠遊在野只教心力破

于人何事網羅求一生自獵知無敵百中爭能恥下韝

往往語別有興味

鵬礙九天須却避免經三窟莫深憂

趙曰鷹所以獵

此野鷹也故云自獵庾信詩野鷹能自獵洙曰史滑稽傳注韝臂捍也東觀記太守桓虞曰善吏如使良鷹下韝命中戰國策馮煖曰狡兔有三窟僅得免於死耳

黑鷹不省人間有度海疑從北極來正翮搏風超紫塞

玄冬幾夜宿陽臺虞羅自各虛施巧春鴈同歸必見猜

萬里寒空祇一日金眸玉爪不凡材

趙曰崔豹古今注秦所禁長城土色

皆紫漢  
塞亦然

奉送蜀州柏二別駕將中丞命赴江陵起居衛尚

書太夫人因示從弟行軍司馬位鶴曰中丞柏貞節也時為夔州

都督別駕中丞之弟也衛尚書伯玉祖母封鄧國太夫人

中丞問俗盡熊頻愛弟傳書綵鷁新遷轉五州防禦使  
起居八座太夫人楚宮臘送荆門水白帝雲偷碧海春

與報惠連詩不惜知吾斑鬢抱如銀洙曰漢制刺史車畫熊於軾綵鷁謂船首畫鷁

以壓水神夢弼曰唐書方鎮表夔州兼峽忠歸萬五州防禦使隸荆南節度洙曰唐以六尚書左右僕射合為

八座宋書謝惠連能屬文族兄靈運、茹  
賞之云每有篇章對惠連輒得佳句

### 閣夜

歲暮陰陽催短景天涯霜雪霽寒宵五更鼓角聲悲壯

三峽星河影動搖

此兩句對看自是無窮俯仰之態。兩句共見奇麗若上句何足表異計

詩未易野哭千家聞戰伐夷歌幾處起漁樵臥龍躍馬  
以此

終黃土人事音書漫寂寥

蔡條西清詩話云作詩用事要如釋語水中著鹽飲水乃

知鹽味此說詩家祕藏也如子美五更鼓角聲悲壯三峽星河影動搖人徒見陵轢造化之工不知乃用故事  
謂民勞之應則善用事者如繁風捕影豈有迹耶洙曰

卧龍謂孔明也郭外有孔明廟躍馬謂公孫述也  
城上有白帝祠左太冲蜀都賦公孫躍馬而稱帝

### 瀼西寒望

洙曰瀼乃黨切水名夔有澗水橫通山谷間市人謂之瀼居人分其左右謂之

瀼東瀼西也鄭曰

瀼奴浪切今作瀼

水色含羣動朝光切太虛

渺莽形容氣格甚富

年侵頻悵望興遠

一蕭疎援挂時相學鷗行炯自如

儉勝

瞿唐春欲至定

卜瀼西居

洙曰陸機詩前路既已多後塗隨年侵

### 奉送十七舅下邵桂

絕域三冬暮浮生一病身感深辭舅氏別後見何人縹

緲蒼梧帝推遷孟母鄰昏昏阻雲水側望苦傷神

趙曰蒼梧

以迷舅氏所往之方  
孟母謂舅氏之母也

### 送王十六判官

客下荆南盡君今復入舟買薪猶白帝鳴櫓少沙頭衡

霍生春早瀟湘共海浮荒林庾信宅為仗主人留

孫曰夔州

俗買薪沽水夢弼曰少猶少頃也少一作已洙曰江陵吳船至泊於郭外沙頭希曰衡山一名霍山故云衡霍庾信宅在江陵

### 不離西閣二首

江柳非時發江花冷色頻地偏應有瘴臘近已含春失

學從愚子無家住老身不知西閣意肯別定留人

趙注是洙

曰佳一作任趙曰肯別定留人言西閣之意肯令我別乎莫定要留人也

西閣從人別人今亦故亭江雲飄素練石壁斷空青滄

海先迎日銀河倒列星平生耽勝事吁駭始初經

田曰空青

字詩人無敢使惟太白云山色倒空青

### 謁真諦寺禪師

蘭若山高處煙霞嶂幾重凍泉依細石晴雪落長松

若無

晴字何以成詩

問法看詩妄

亦有見地

觀身向酒慵未能割妻子卜

宅近前峰

洙曰梵言阿蘭若唐言無諍也故僧寺謂之蘭若

赤甲

大歷二年夔州作鶴曰是年春公遷居赤甲趙曰赤甲山名其山高天不生草木土皆赤

色故謂之赤甲又甲本岬字洙曰赤甲白鹽瞿唐峽口二山

卜居赤甲遷居新兩見巫山楚水春炙背可以獻天子

美芹由來知野人

一事兩句不相屬

荊州鄭薛寄書近蜀客却

岑非我鄰笑接郎中評事飲病從深酌道吾真

洙曰稭康絕交

書野人有快炙背而美芹子者欲獻之至尊雖有區區之意亦已疎矣夢弼曰鄭審薛璩鄭昂岑參皆公之故



舊也鶴曰評事必崔

評事第郎中欠考

### 入宅三首

奔峭背赤甲斷崖當白鹽客居媿遷次春酒漸多添花

亞欲移竹

下句韻勝

鳥窺新卷簾衰年不敢恨勝概欲相兼

亂後居難定春歸客未還水生魚復浦雲暖麝香山半

頂梳頭白過眉拄杖斑相看多使者一一問函關

夢弼曰按

地志夔之魚復瀨瀨風濤電射其地巨魚卻而不得上故名魚復浦定功曰夔州圖經麝香山在州之東南山有麝香故以名之洙曰一一問函關時吐蕃亂關中之信不通

宋玉歸州宅雲通白帝城吾人淹老病旅食豈才名峽  
口風常急江流氣不平只應與兒子飄轉任浮生

江雨有懷鄭典設

春雨閣閣塞峽中早晚來自楚王宮亂波分披已打岸  
弱雲狼藉不禁風寵光蕙葉與多碧點注桃花舒小紅  
谷口子真一憶汝岸高濤滑限西東

雨不終

鳴雨既過漸細微映空搖颺如絲飛階前短草泥不亂

院裏長條風乍稀  
舞石旋應將乳子  
行雲莫自濕仙衣  
石燕神女用得奇  
怪將字從俗更好  
眼邊江舸何忽促  
未得安流逆浪歸  
洙曰湘川詩零陵有石燕遇風雨則飛如生燕  
止則為石高唐賦旦為朝雲暮為行雨注見前

崔評事弟許相迎不到應慮老夫見泥雨怯出必

慙佳期走筆戲簡

江閣邀賓許馬迎  
午時起坐自天明  
浮雲不負青春色  
細雨何孤白帝城  
身過花間露濕好  
醉於馬上往來輕  
上句更似  
有風韻  
虛疑皓首衝泥怯  
實少銀鞍傍險行

晝夢

二月曉睡昏昏然不獨夜短晝分眠桃花氣暖眼自醉  
春渚日落夢相牽故鄉門巷荊棘底中原君臣虎豹邊  
安得務農息戰鬪普天無吏橫索錢

熟食日示宗文宗武

消渴遊江漢羈縻尚甲兵幾年逢熟食萬里逼清明不

他語松柏邛山路

未必子美先墓在邛吾意亦邛山耳

風花白帝城汝曹

而悲催我老回首淚縱橫

邛本一作邛鄭曰寰宇記邛州因邛來山得名在蜀中邛渠恭切田

曰十道志卽山在洛陽縣北卽莫旁切夢弼曰  
楊佺期洛城記卽山古今東洛九原之地也

### 又示兩兒

令節成吾老他時見汝心

他時見汝思親之心謂身后  
寒食語甚苦切前一首已悲

此篇更  
不忍讀

浮生看物變為恨與年深  
長葛書難得江州涕

不禁團圓思弟妹行坐白頭吟

趙曰長葛江州必公之  
弟妹所在也鄭曰長葛

縣隸  
許州

### 晴二首

久雨巫山暗新晴錦繡文  
碧知湖外草紅見海東雲  
竟

日鶯相和摩霄鶴數羣  
野花乾更落風處急紛紛

啼鳥爭引子鳴鶴不歸林下食遭泥去

遭泥去拙

高飛恨久

陰雨聲衝塞盡日氣射江深

壯

回首周南客驅馳魏闕

洙曰周南謂巫陽也太史公留滯周南天子之門兩  
心觀謂之象親夢弼曰莊子中山公子年謂瞻子曰身  
在江海之上心居乎魏闕之下

### 雨

始賀天休雨還嗟地出雷  
驟看浮峽過密作渡江來  
牛馬行無色蛟龍鬪不開  
干戈盛陰氣未必自陽臺

未必自陽

臺此語猶舍天寶之悲洙曰莊子秋水時至兩涘渚涯之間不辨牛馬

卜居

鶴曰公是年三月赤甲遷居瀼西

歸羨遼東鶴吟同楚執珪未成遊碧海著處覓丹梯雲

嶂寬江北春耕破瀼西桃紅客若至定似昔人迷

洙曰連東

鶴注見前趙曰史記莊烏故趙之細鄙人也為楚執珪病而尚猶趙聲本無吟字而王粲登樓賦云莊烏顯而趙吟十洲記東有碧海趙曰夢江之北其山稍遠故曰寬也洙曰昔一作晉

暮春題瀼西新賃草屋五首

久嗟三峽客再與暮春期百舌欲無語繁花能幾時谷虛

雲氣薄波亂日華遲戰伐何由定哀傷不在茲

趙曰反舌無聲

在芒種后十日今謂之欲無語則暮春時也

此郊千樹橘不見比封君養拙干戈際全生麋鹿羣畏

人江北草

畏人草不類

旅食濱西雲萬里巴渝曲三年實飽

聞

郊本一作邦洙曰漢貨殖傳蜀漢江陵千樹橘此其人皆與千戶侯等又禮樂志巴渝鼓負三十六人注

高祖初為漢王得巴渝人並趨捷善關與之定三秦滅楚國存其武樂巴渝之樂由此始也

綵雲陰復白錦樹曉來青身世雙蓬鬢乾坤一草亭哀

歌時自短

眼前語道得苦

醉舞為誰醒微雨荷鋤立

自江猿吟



翠屏

壯年學書劍他日委泥沙事主非無祿浮生即有涯高

齋依藥餌絕域改春華

此語甚痛

喪亂丹心破王臣未一家

洙曰項籍少年學書不成去學劍

欲陳濟世策已老尚書郎不息豺虎鬬空慙鴛鴦行時

危人事急風逆羽毛傷落日悲江漢中宵淚滿牀

趙曰尚書

郎公自謂也

承聞河北諸道節度入朝歡喜口號絕句十二首

祿山作逆降天誅更有思明亦已無

第二句理

洶洶人寰猶

不定時時戰鬪欲何須

社稷蒼生計必安蠻夷雜種錯相干周宣漢武今王是

孝子忠臣後代看

感詠忠婉

喧喧道路多歌謠河北將軍盡入朝始是乾坤王室正  
却教江漢客魂銷

不道諸公無表來茫然庶事遣人猜擁兵相學干戈銳

使者徒勞萬里迴

公自注吐蕃之亂諸道節度無一人救援者朝廷遣使敦諭竟不至

鳴玉鏘金盡正臣修文偃武不無人興王會靜妖氛氣

聖壽宜過一萬春

蒼舒曰萬春字所出如世說載晉武帝問孫皓聞南人好作爾汝歌皓因

舉觴勸帝云上汝一

杯酒令汝壽萬春

英雄見事若通神聖哲為心小一身燕趙休矜出佳麗

宮闈不擬選才人

洙曰古詩燕趙多佳人美者顏如玉唐制內官才人五人正五品

抱病江天白首郎空山樓閣暮春光衣冠是日朝天子

草奏何時入帝鄉

趙曰白首郎公自謂也用馮唐意

澶漫山東一百州削成如按抱青丘包茅重入歸關內

王祭還供盡海頭

鄭曰澶市連切漫莫半切趙曰唐志山東即河北道洙曰削成如按言已

平也鄭曰青丘在青州屬河南道洙曰左傳齊伐楚曰爾貢包茅不入王祭不供無以縮酒

東逾遼水北滹沱星象風雲喜色和紫氣闕臨天地闕

黃金臺貯俊賢多

紫氣闕本生強老氣橫出亦是兩絕句宜爾趙曰紫氣闕言函谷闕也周

時尹喜為關吏望見紫氣云當有聖人入闕洙曰燕昭王置千金於臺上以延天下之士謂之黃金臺

漁陽突騎邯鄲兒酒酣並轡金鞭垂意氣即歸雙闕舞

雄豪復遣五陵知

謂此等恃功而騎其歸闕下舞當如何平日五陵豪俊復當避之耳其憂

受底恨皆見於言外即字復字皆得意處形容洋溢蕩而復整洙曰漁陽突騎邯鄲游俠其豪俊勇決古有名

稱五陵漢之五陵  
亦豪俠所聚之地

李相將軍擁薊門白頭惟有赤心存竟能盡說諸侯入

知有從來天子尊

夢弼曰李相謂李光弼將軍謂河北諸道節度也鶴曰李相將軍意是指

李懷仙時為幽州節度使第未詳何以謂將軍

十二年來多戰場天威已息陣堂堂神靈漢代中興主

功業汾陽異姓王

洙曰郭子儀封汾陽郡王鶴曰此詩十二首述安史及吐蕃之亂而歸於

李懷仙之能說諸節度以入朝郭子儀之能建功業以致中興也

得舍弟觀書自中都已達江陵今茲暮春月末合

行李到夔州悲喜相兼團圓可待賦詩即事情見  
乎辭

爾到江陵府何時到峽州亂離生有別聚集病應瘳  
宛轉  
道峴峴開啼眼朝朝上水樓老身須付託白骨更何憂

喜觀即到復題短篇二首

巫峽千山暗終南萬里春病中吾見弟書到汝為人  
事情

驚痛語  
得傾至  
竟答兒童問來經戰伐新泊船悲喜後款款話

歸秦

洙曰終南山在長安

待爾嗔烏鵲拋書示鵲鵲枝間喜不去原上急曾經江

閣嫌津柳風帆數驛亭應論十年事愁絕始星星

洙曰  
西京

雜記乾鵲噪而行人至  
詩脊令在原兄弟急難

寄薛三郎中璩

人生無賢愚飄飄若埃塵自非得神僊誰免危其身與  
子俱白頭役役常苦辛雖為尚書郎不及村野人憶昔  
村野人其樂難具陳藹藹桑麻交公侯為等倫天未厭  
戎馬我輩本常貧子尚客荊州我亦滯江濱峽中一臥

病瘡癘終冬春春復加肺氣此病蓋有因早歲與蘇鄭  
痛飲情相親二公化為土嗜酒不失真予今委修短豈  
得恨命屯聞子心甚壯所過信席珍上馬不用扶每扶  
必怒嗔賦詩賓客間揮灑動八垠乃知蓋代手才力老  
益神青草洞庭湖東浮滄海湄君山可避暑況足采白  
蘋子豈無扁舟往復江漢津我未下瞿唐空念禹功勤  
聽說松門峽吐藥攬衣巾高秋却束帶鼓枻視清旻鳳  
池日澄碧濟濟多士新余病不能起健者勿逡巡上有



明哲君下有行化臣

洙曰蘇鄭蘇源明鄭虔也禮記儒有席上之珍青草洞庭二湖名君

山在洞庭湖心夢弼曰郭璞江賦巴東之峽夏后疏鑿今公留滯峽中恨禹功雖勤尚不能鑿三峽使江流平易也趙曰公繞聞松門峽方吹藥遽吐之欲攬衣巾而去夢弼曰鳳池謂朝廷也趙曰健者指薛璩也漢書秉結曰天下健者豈惟董公

即事

暮春三月巫峽長晶晶行雲浮日光雷聲忽送千峰雨  
花氣渾如百和香黃鶯過水翻迴去燕子銜泥濕不妨  
飛閣卷簾圖畫裏虛無只少對瀟湘

虛無二字下得好兩句遂精洙曰盛

弘之荊州記巴東三峽巫峽長鄭曰晶晶胡了切明也趙  
曰陶淵詩晶晶川上平洙曰古詩博山爐中百和香鬱  
金蘇合與都梁希曰漢武  
帝時月支國嘗進百和香

### 懷灞上遊

鶴曰灞水  
在長安

悵望東陵道平生灞上遊  
春濃停野騎夜宿敞雲樓  
離別人誰在經過老自休

苦語  
如訣

眼前今古意江漢一歸舟

夢弼曰東陵道指  
長安東門外也

### 月

萬里瞿唐峽春來六上弦  
時時開暗室故故滿青天  
爽

合風襟靜空當淚臉懸南飛有烏鵲夜久落江邊

洙曰  
峽一

作月曹孟德詩月

明星稀烏鵲南飛

### 晚登灤上堂

故躋灤岸高頗免崖石擁

十字起  
得又別

開襟野堂豁繫馬林

花動雉堞粉如雲山田麥無隴春氣晚更生江流靜猶

湧四序嬰我懷羣盜久相踵黎民困逆節天子渴垂拱

所思注東北深峽轉修聳衰老自成病郎官未為冗淒

其望呂葛不復夢周孔濟世數嚮時斯人各枯冢楚星

南天黑蜀月西霧重安得隨鳥翎迫此懼將恐

夢符曰公羊傳

五板而堵五堵而雉百雉而城鄭曰堞徒協切城上垣也洙曰呂萬謂呂望諸葛孔明也

李潮八分小篆歌

夢弼曰書苑李潮善小篆師李斯嶧山碑見稱於時趙明誠金

石錄云唐慧義寺彌勒像碑李潮八分書潮書初不見重於當時獨子美詩或稱之以比蔡有隣韓擇木金石刻在者絕少惟此碑與彭元曜墓誌爾余皆得之其筆法亦不絕工非韓蔡比也邵氏聞

見錄韓退之石鼓詩

體子美八分歌也

蒼頡鳥跡既茫昧字體變化如浮雲陳倉石鼓又已訛  
大小二篆生八分秦有李斯漢蔡邕中間作者寂不聞

嶧山之碑野火焚棗木傳刻肥失真苦縣光和尚骨立

書貴瘦硬方通神

子美詩貴瘦硬謂八分篆耳坡詩殆誤評也

惜哉李蔡不

復得吾甥李潮下筆親尚書韓擇木騎曹蔡有隣開元

以來數八分潮也奄有二子成三人況潮小篆逼秦相

快劍長戟森相向八分一字直百金蛟龍盤拏肉屈強

吳郡張顛誇草書草書非古空雄壯豈如吾甥不流宕

丞相中郎丈人行巴東逢李潮逾月求我歌我今衰老

才力薄潮乎潮乎奈汝何

古人出語便是肝肺更自流動可觀此詩叙古外殊不為

發越故終篇自嘆浩然愈好邵氏見才力薄三字謂退之體此作石鼓兒童之見彼起語變化蓋自貞也。○  
洙曰蒼頡黃帝臣也觀鳥跡而為文字鶴曰鳳翔府陳  
蒼縣南有石鼓其石形如鼓其數有十紀周宣王獵之  
事其文即史籀之迹洙曰周大史籀始創大篆秦李斯  
總作小篆趙曰蔡文姬別傳臣父邕言八分書劉李斯  
小篆去二分取八分故曰八分書洙曰史記始皇東行  
郡國上鄒嶧山刻石頌功德其文李斯小篆修可曰續  
漢書桓帝詔苦縣立老子祠兼刻石即蔡邕八分也師  
曰按桓帝延熹年間詔立老子祠光和乃靈帝年號相  
去延熹十餘年豈非祠立於延熹而碑刻於光和乎洙  
曰韓擇木蔡有隣皆唐時人工八分張旭飲醉輒草書  
人呼為張顛丞相即李斯中郎即蔡邕歐公集古錄云  
秦二世詔李斯篆今俗謂之嶧山碑史記不載其字其  
本出於徐鉉又有別本出於夏竦家自唐封演已言嶧  
山碑非真而杜子美直謂秦木傳刻爾趙明誠金石錄

云秦嶧山刻石唐封演聞見記云後魏大武帝登山使人排削之然歷代模之以為楷則邑人疲於供命聚薪其下因野火焚之由是殘缺不堪模榻然猶求者不已有縣宰取舊文勒於石碑之上置之縣廨今人間有嶧山碑者是皆新刻之本而杜子美直以謂秦木傳刻者豈又有別本歟又云麻溫故學士於登州海上得片木有此文豈子美所謂秦木傳刻肥失真者耶

醉為馬墜諸公攜酒相看

甫也諸侯老賓客罷酒酣歌拓金戟騎馬忽憶少年時  
散蹄迸落瞿唐石白帝城門水雲外低身直下八千尺  
粉堞電轉紫遊韁東得平岡出天壁江村野堂爭入眼

垂鞭鞚凌紫陌向來皓首驚萬人自倚紅顏能騎射  
安知決臆追風足朱汗駢驪猶噴玉不虞一蹶終損傷  
人生快意多所辱職當憂戚伏衾枕況乃遲暮如煩促  
朋知來問牘我顏杖藜強起依僮僕語盡還成開口笑  
提攜別掃清溪曲酒肉如山又一時初筵哀絲動豪竹  
共指西日不相貸喧呼且覆杯中綠何必走馬來為問  
君不見嵇康養生被殺戮

起結皆不羈。夢弼曰庾信詩醉來拓金戟古詩白馬紫

遊韁洙曰決臆縱意也趙曰追風馬名漢天馬歌露赤汗崔液詩駢驪始散東城曲穆天子傳黃之澤其馬噴



玉琪曰豪竹大管也洙曰晉  
嵇康著養生論後以事坐誅

### 補遺

縛雞行

雞蟲得失無了時注目寒江倚山閣先生評云  
效者失之蓋謂山谷賦水仙生對真成被花惱

出門一笑大江橫之句也

李潮八分小篆歌

潘子真詩話云北岳碑後漢光和二  
年立苦縣老子廟亦漢碑俱蔡邕書

其字刻極勁杜詩所謂苦縣光和尚骨立  
書貴瘦硬方通神苦縣光和謂二碑也

## 集千家註杜工部詩集卷十六


謹案卷十五第七頁前五行又施三層木牀舞馬  
於上刊本木牀訛本林舞訛乘據明皇雜錄改  
第二十一頁前七行衣冠迷適越刊本越訛楚據  
仇非鰲本改

第二十三頁前七行八行一日遣兩僕三日共一  
筵按仇非鰲本作一日兩遣僕三日一共筵  
第二十八頁後二行珠簾繡柱圍黃鵠刊本鵠訛  
鶴據仇非鰲本改

卷十六第十七頁後一行興王會靜妖氛氣刊本  
靜訛盡據仇兆鰲本改

第二十四頁後四行出門一笑大江橫之句也刊  
本複行門字今刪





總校官庶吉士臣張能照

校對官檢討臣王坦修

謄錄監生臣王錫壽

欽定四庫全書薈要

集部

集千家註杜工部詩集卷十七



詳校官助教臣常循

集千家註杜工部詩集卷十七

豎子至

大歷二年夏夔州作鶴曰  
公時寓居夔州之瀼西

且綴碧梅杏半傳黃  
小子幽園至輕籠熟棹香山  
風猶滿把野露及新嘗  
歌枕江湖客提攜日月長

洙曰  
且一

作繞歌枕  
一作欲寄

槐葉冷淘

青青高槐葉采掇付中厨  
新麪來近市汁滓宛相俱入

鼎資過熟加餐愁欲無碧鮮俱照飭香飯兼苞蘆經齒  
冷於雪勸人投比珠願隨金腰裏走置錦屠蘇路遠思  
恐泥興深終不渝獻芹則小小薦藻明區區萬里露寒  
殿開冰清玉壺君王納涼晚此味亦時須

夢弼曰苞蘆謂蘆笋也洙

曰金腰裏馬也修可曰屠蘇字或作屠麻玉篇云屠麻庵也通俗文屋平曰庵麻廣韻云庵麻草庵又屠蘇酒蓋昔人居庵麻釀酒因名今詳是詩走置錦屠蘇正謂屋也古樂府插腰銅匕首障日錦屠蘇洙曰語致遠恐泥獻芹見嵇康絕交書薦藻出左傳

園

仲夏流多水，清晨向小園。  
碧溪搖艇闊，朱果爛枝繁。  
始為江山靜，終防市井喧。  
畦蔬繞茅屋，自足媚盤餐。

趙曰：盤餐。

字出

左傳

歸

東帶還騎馬，東西却渡船。  
林中纔有地，峽外絕無天。  
虛白高人靜，喧卑俗累牽。  
他鄉閱遲暮，不敢廢詩篇。

洙曰：夔州。

居山水間，在峽中，號為稍平莊。子虛室生白。趙曰：鮑明遠《舞鶴賦》：歸人寰之喧卑。

上後園山脚



朱夏熱所嬰清旦步北林小園背高岡挽葛上崎崙曠  
望延駐目飄飄散疎襟潛鱗恨水壯去翼依雲深勿謂  
地無疆劣於山有陰石標遍天下水陸兼浮沈自我登  
隴首十年經碧岑劒門來巫峽薄倚浩至今故園暗戎  
馬骨肉失追尋時危無消息老去多歸心志士惜白日  
久客藉黃金敢為蘇門嘯庶作梁父吟

天覺曰崎崙山貌洙曰山北曰

陰田曰唐韻標音原木名或云善本止是石原字沈曰石標其子如芎藭其皮可以禦饑時天下荒亂小民轉溝壑水陸並載石標以充糧也趙曰古詩志士惜白日洙曰晉阮籍嘗於蘇門山遇孫登與商略終古及棲神

導氣之術登皆不應藉因長嘯  
而退蜀志諸葛亮好為梁父吟

### 諸葛廟

久遊巴子國屢入武侯祠竹日斜虛寢溪風滿薄帷君  
臣當共濟賢聖亦同時胡戴歸先主并吞更出師蟲蛇  
穿畫壁巫覡醉蛛絲描寫不盡雖無上句荒落可見歛憶吟梁父躬耕  
起未遲夢弼曰國語在男曰覡在女曰巫覡研歷切趙曰張衡東京賦巫覡操蒞

### 舍弟觀歸藍田迎新婦送示二首

汝去迎妻子高秋念却迴即今螢已亂好與鴈同來東

望西江永南遊北戶開卜居期靜處會有故人杯

趙曰詩江

之永矣吳都賦

開北戶以向日

楚塞難為路藍田莫滯留衣裳判白露鞍馬信清秋

春風

自信牙樁動凡

再用所自得者滿峽重江水開帆八月舟此時同一醉

應在仲宣樓

趙曰後漢末王粲字仲宣依劉表於荊州因登樓而作賦其後指荊州樓為仲宣樓

行官張望補稻畦水歸

東屯大江北百頃平若桉六月青稻多千畦碧泉亂插秧適云已引溜加溉灌更僕往方塘決渠當斷岨公私

各地著浸潤無天旱主守問家臣分明見溪畔芊芊烟  
翠羽剌剌生銀漢鷗鳥鏡裏來關山雪邊看秋菰成黑  
米精鑿傳白粲玉粒足晨炊紅鮮任霞散終然添旅食  
作苦期壯觀遺穗及衆多我倉戒滋蔓

壯觀滋蔓。洙曰更僕以畜次

更代使之也禮記乃留更僕劉公幹詩方塘含白水漢  
食貨志理民之道地著為本注謂安土也著涉畧切夢  
弼曰大夫之臣曰家臣家臣主守田野此即是指行官  
而言也趙曰鏡裏雪邊皆言畦水之明潔也夢弼曰西  
京雜記菰有米長安人謂之彫胡趙曰精鑿出左傳菰  
食不鑿鑿音作謂治米使白晁曰傳合也謂以菰米合  
白粲炊洙曰楊  
惲傳田家作苦

返照

楚王宮北正黃昏白帝城西過雨痕返照入江翻石壁

歸雲擁樹失山村

字字著意

衰年肺病唯高枕絕塞愁時早

閉門不可久留豺虎亂南方實有未招魂

語不輕易感恨更多

灩澦

灩澦既沒孤根深西來水多愁太陰江天漠漠鳥雙去

風雨時時龍一吟舟人漁子歌回首估客胡商淚滿襟

寄語舟航惡年少休翻鹽井橫黃金

夢弼曰寰宇記灩澦堆冬來出二十

餘大夏水漲半沒鄭曰橫戶  
孟切不以理也洙曰一作擲

季夏送鄉弟韶陪黃門從叔朝謁

鶴曰時杜鴻漸以黃門侍郎同

平章事鎮蜀既平

崔旰之難送還朝

令弟尚為蒼水使

公自注韶北兼開江使通成都外江下峽舟船

名家莫出杜

陵人北來相國兼安蜀

太直致

歸赴朝廷已入秦捨舟策

馬論兵地拖玉腰金報主身莫度清秋吟蟋蟀

此吟蟋蟀亦過

然出於子美未必不為名言

早聞黃閣畫麒麟

趙曰吳越春秋禹傷父功不成乃巡衡山

血馬以祭仰天而嘯忽夢赤繡衣男子自稱玄夷蒼水使者謂禹曰欲得我山神書者齋焉禹乃退齋三日遂

金史四庫全書  
卷十七  
獲金簡玉字之書言治水之要洙曰長安有南北  
杜最為名家趙曰漢武帝圖畫功臣於麒麟閣

### 夔州歌十絕句

中巴之東巴東山江水開闢流其間白帝高為三峽鎮

夔州險過百牢關

趙曰水經劉璋分三巴有中巴有巴  
西有巴東宋曰十道志梁州有百牢

關

白帝夔州各異城蜀江楚峽混殊名英雄割據非天意

霸王并吞在物情

夢弼曰  
王去聲

羣雄競起問前朝王者無外見今朝比訝漁陽結怨恨

元聽舜日舊蕭韶

趙曰明皇寵幸祿山卒以怨恨起兵於漁陽此句含蓄美中有刺蕭韶謂

霓裳

曲也

赤甲白鹽俱刺天  
閭閻繚繞接山巔  
楓林橘樹丹青合  
複道重樓錦繡懸

瀑東瀼西一萬家  
江北江南春冬花  
背飛鶴子遺瓊藥

相趁鳬雛入蔣牙

趙曰王粲白鶴賦食靈岳之瓊藥夢弼曰唐韻蔣菰草也

東屯稻畦一百頃  
北有澗水通青苗  
晴浴狎鷗分處處

雨隨神女下朝朝

修可曰變有平苗號青苗陂



蜀麻吳鹽自古通萬斛之舟行若風長年三老長歌裏

白晝攤錢高浪中

洙曰峽人謂操舟人為長年三老長上聲田曰後漢梁冀傳少好意錢之

戲注引何承天纂文曰詭億一曰射意一曰射數即攤錢也

憶昔咸陽都市合山水之圖張賣時巫峽曾經寶屏見  
楚宮猶對碧峰疑

間風玄圃與蓬壺中有高堂天下無借問夔州壓何處  
峽門江腹擁城隅

武侯祠堂不可忘中有松柏叅天長干戈滿地客愁破

雲日如火炎天涼

惟此最得歌  
體疎暢磊落

上卿翁請修武侯廟遺像缺落時崔卿權夔州

其因

權州即託以此

古人惟恐失之

大賢為政即多聞  
刺史真符不必分  
尚有西郊諸葛廟  
臥龍無首出江濱

又上後園山脚

昔我遊山東憶戲東岳陽  
窮秋立日觀矯首望八荒  
朱崖著毫髮碧海吹衣裳  
蓐收困用事玄冥蔚強梁  
逝水

自朝宗鎮石各其方平原獨憔悴農力廢耕桑非闕風  
露凋曾是戍役傷於時國用富足以守邊疆朝廷任猛  
將遠奪戎虜場到今事反覆故老淚萬行龜蒙不可見  
況乃懷故鄉肺萎屬久戰骨出熱中腸憂來杖匣劍更  
上林北岡瘴毒猿鳥落峽乾南日黃秋風亦已起江漢  
始如湯登高欲有往蕩析川無梁哀彼遠征人去家死路  
傍不及父祖塋累累塚相當

謂死戰地也。○本上後園山脚耳却從背登東岳俯

望中州轉及時事情緒闊遠故收拾悲慟。鶴曰東岳在兗州即齊地洙曰朱崖海南州也碧海在東蓐收秋

神玄冥冬神也鶴曰平原指德州屬河北道開元末張  
守珪使祿山討奚契丹故戍役為民害公言至趙時事  
也龜蒙二山名龜山  
在兗州蒙山在青州

### 夜雨

小雨夜復密迴風吹早秋野涼侵閉戶江滿帶維舟

清鍊

通籍恨多病為郎忝薄遊天寒出巫峽醉別仲宣樓

洙曰

仲宣樓指荆

州注見前

### 更題

只應踏初雪騎馬發荊州直怕巫山雨真傷白帝羣

公蒼玉佩天子翠雲裘同舍晨趨侍胡為淹此留

洙曰  
晉公

卿禮秩特進尚書令皆佩水蒼

玉趙曰宋玉賦上翠雲之裘

### 峽隘

聞說江陵府雲沙靜眇然白魚如切玉朱橘不論錢水  
有遠湖樹人今何處船青山各在眼却望峽中天

秋行官張望督促東渚耗稻向畢清晨遣女奴阿

稽豎子阿段往問

鶴曰官猶言門官漢高帝紀有  
功勞行田宅師古曰行音行酒

之行猶付與也今使之領田故曰行官東渚  
即東屯耗稻謂滿稈之能為未害者當去之

韓文答孟簡書云行官自吉川還唐  
人自有此引門官與行田皆不切

東渚雨今足佇聞粳稻香上天無偏頗蒲稗各自長人  
情見非類田家戒其荒功夫競捐捐除草置岨傍穀者  
命之本客居安可忘青春具所務勤懇免亂常吳牛力  
容易並驅動莫當豐苗亦已概雲水照方塘有生固蔓  
延靜一資隄防督領不無人提携頗在綱荆揚風土暖  
肅肅候微霜尚恐主守疎用心未甚臧清朝遣婢僕寄  
語踰崇岡西成聚必散不獨陵我倉豈要仁里譽感此

亂世忙

不知所收幾何高願散之鄰里其感心如此注者乃不盡知

北風吹蒹葭蟋

蟀近中堂荏苒百工休鬱紆遲暮傷

洙曰莊子捐捐然用力甚多而見功

寡捐苦骨切鄭曰穢几利切稠也趙曰主守謂行官張望洙曰潘安仁籍田賦我倉如陵我庾如坻記月令霜

降百工休

阻雨不得歸灤西甘林

三伏適已過驕陽化為霖欲歸灤西宅阻此江浦深壕

舟百板圻峻岬復萬尋篙工初一棄恐泥勞寸心

恐泥屢用

佇立東城隅悵望高飛禽草堂亂玄圃不隔崑崙岑昏

渾衣裳外

昏渾語生

曠絕同曾陰園甘長成時三寸如黃金

諸侯舊上計厥貢傾千林邦人不足重所迫豪吏侵客

居暫封殖日夜偶瑤琴

本不相著適得故實

虛徐五株態側塞煩

胃襟焉得輟兩足杖藜出岵嶽條流數翠實偃息歸碧

潯拂拭烏皮几喜聞樵牧音令兒快搔背脫我頭上簪

宋曰漢武紀計偕注計者上計簿也鶴曰唐志夔州貢

柑橘夢弼曰日夜偶瑤琴謂聽其風韻若鼓瑤琴焉趙

曰謝眺有詠

烏皮隱几詩

# 柴門



泛舟登瀛西回首望兩崖東城乾旱天其氣如焚柴長  
影沒窈窕餘光散谿訝大江蟠嵌根歸海成一家下衝  
割坤軸竦壁攢鏤鯨蕭瑟灑秋色氣昏霾日車峽門自  
此始最窄容浮查禹功翊造化疏鑿就欹斜巴渠決太  
古衆水為長蛇風烟渺吳蜀舟楫通鹽麻我今遠遊子  
飄轉混泥沙萬物附本性約身不願奢茅棟蓋一牀清  
池有餘花濁醪與脫粟在眼無咨嗟山荒人民少地僻  
日夕佳貧病固其常富貴任生涯老於干戈際宅幸達

草遮石亂上雲氣杉青延日華賞妍又分外理愜夫何

誇足了垂白年敢居高士差

師注差輩也未聞殆肩差耳但言高士差亦可一笑

書此豁平昔回首猶暮霞

夢弼曰豁火舍切豁虛加切谷中也嵌丘銜切嵌岩也洙

曰夢弼

為夷丹

### 甘林

捨舟越西岡入林解我衣青芻適馬性好鳥知人歸晨  
光映遠岫夕露見日晞遲暮少寢食清曠喜荆扉經過  
倦俗態在野無所違試問甘藜藿未肯羨輕肥喧靜不

同科出處各天機勿矜朱門是陋此白屋非明朝步鄰  
里長老可以依時危賦歛數脫粟為爾揮相攜行豆田  
秋花藹菲菲子實不得喫貨市送王畿盡添軍旅用迫  
此公家威

賣豆助軍詩人有過甚者然足以戒

主人長跪問戎馬何時稀

我衰易悲傷屈指數賊圍勸其死王命慎莫違奮飛

鶴曰

按唐史是年吐蕃寇近畿故此詩有軍興賦歛之語

暇日小園散病將種秋菜督勸耕牛兼書觸目

不愛入州府畏人嫌我真及乎歸茅宇傍舍未曾嗔老

病忌拘束應接喪精神江村意自放林木心所欣秋耕  
屬地濕山雨近甚勻冬菁飯之半

飯之半亦奇怪

牛力晚來新

深耕種數畝未甚後四鄰嘉蔬既不一名數頗具陳荆

巫非苦寒採擷接青春飛來兩白鶴暮啄泥中芹雄者

左翮垂損傷已露筋一步再流血尚經增繳勤三步六

號咷

三步六號恠

志屈悲哀頻鸞鳳不相待側頸訴高旻杖

藜俯沙渚為汝鼻酸辛

洙曰尚經增繳勤經一作驚夢弼曰增咨登切繳與繫同之若

切增繳以絲繫矢而射也

月

新續巫山雨天河此夜新若無青嶂月愁殺白頭人  
魍移深樹蝦蟆動半輪故園當北斗直想照西秦

趙曰  
長安

上直北斗  
公之家在

見螢火

巫山秋夜螢火飛簾疎巧入坐人衣忽驚屋裏琴書冷  
復亂簷前星宿稀却繞井欄添箇箇偶經花藥弄輝輝  
滄江白髮愁看汝來歲如今歸未歸

寄劉峽州伯華使君四十韻

峽內多雲雨，秋來尚鬱蒸。  
遠山朝白帝，深水謁夷陵。  
遲暮嗟為客，西南喜得朋。  
哀猿更起坐，落鴈失飛騰。  
伏枕思瓊樹，臨軒對玉繩。  
青松寒不落，碧海闊逾澄。  
昔歲文為理，羣公價盡增。  
家聲同令聞，時論以儒稱。  
太后當朝，肅多才接迹昇。  
翠虛捐題題丹極，上鯢鵬宴引春。  
壺滿一作酒思分夏簟冰。  
只合滿字壺即酒矣冰字義虛謂筆雕章五色筆。  
紫殿九華燈，學並盧王敏。  
書偕褚薛能，老兄真不墜小。

子獨無承近有風流作聊從月繼徵放蹄知赤驥捩翅  
服蒼鷹卷軸來何晚襟懷庶可憑會期吟諷數益破旅  
愁凝雕刻初誰料纖毫欲自矜神融躡飛動戰勝洗侵  
凌妙取筌蹄棄高宜百萬層白頭遺恨在青竹幾人登  
回首追談笑勞歌跼寢興年華紛已矣世故莽相仍刺  
史諸侯貴郎官列宿應潘生驂閣遠黃霸璽書增乳贊  
號攀石饑飈訴落藤藥囊親道士灰劫問胡僧憑久烏  
皮綻簪稀白帽稜林居看蟻穴野食待魚罾筋力交凋

喪飄零免戰兢皆為百里宰正似六安丞

此六安丞亦難注

姹

女紫新裹丹砂冷舊秤但求椿壽永莫慮祀天崩鍊骨  
調情性張兵撓棘矜養生終自惜伐數必全懲政術甘  
疎誕詞場愧服膺展懷詩誦魯割愛酒如澠咄咄寧書

字冥冥欲避矰江湖多白鳥天地有青蠅

注或以白鳥為蚊蚋非豈

有兩句皆說諛成甚律度。洙曰峽州夷陵郡趙曰更  
起坐更音平聲洙曰玉繩星名謝玄暉詩玉繩低建章  
趙曰家聲同令聞公言已與劉使君也洙曰甘泉賦捐  
夔賤注捐殺也南史江淹夢得五色筆西京雜記元日  
燃九華燈於終南山下盧王緒薛謂盧照鄰王勃緒遂  
良薛稷也趙曰聊從月繼微謂劉使君近詩可以月月



相繼而求之也。洙曰：易得魚忘筌，得兔忘蹄，青竹青簡也。趙曰：勞歌跼寢，興謂勞我歌詠而跼踖於寢興之間也。趙曰：郎官公自謂也。漢明帝云：郎官上應列宿，出宰百里。洙曰：潘生驂閭遠，一作潘安雲：閭遠，晉潘岳以太尉掾寓直于散騎之省，高閭連雲，陽景罕曜，風興晏寢，匪遑底寧。其辭見岳秋興賦。漢黃霸為潁川太守，治為天下第一。宣帝下詔稱揚，賜閭內侯贊音畎，注見八哀詩。漢武帝穿昆明池，悉是灰墨，有胡僧云：天地大劫將盡，則有劫灰。此劫灰之餘也。夢符曰：後漢桓譚數言事忤旨，出為六安郡丞。趙曰：公謂昔為郎官，自可出宰。以言房琯故，正如桓譚之忤旨也。洙曰：姪女丹砂修煉之事，注見前。莊子：上古有大椿者，以八千歲為春，八千歲為秋。列子：杞國有人憂天崩墜，身無所寄。漢徐樂書陳涉起窮巷，奮棘矜，注棘戟也。矜，戟之把也。時秦銷兵器，故但有戟之把耳。矜音巨巾。反夢弼曰：伐數伐猶伐性之伐，數則言壽也。或作伐叛，非洙曰：禮記：顏子得一善

則拳拳服膺晉殷浩被廢終日書空作咄咄怪事四字  
楊子鴻飛冥冥弋人何慕焉詩青蠅喻讒人也鮑曰江  
湖多白鳥與白鷗波浩蕩意同言自適也

### 草閣

草閣臨無地柴扉永不關  
魚龍迴夜水星月動秋山  
夕露晴初濕高雲薄未還  
泛舟慚小婦飄泊損紅顏

月

併照巫山出新窺楚水清  
羈棲愁裏見二十四迴  
明必驗升沈體如知進退  
情不違銀漢落亦伴玉繩  
橫

是愛月者

也鶴曰公在雲安與夔州歷望夜見月凡二十四回趙  
曰公謂看月至盡夜不達銀漢落時亦必伴玉繩橫然  
止後

### 十七夜對月

秋月仍圓夜江村獨老身捲簾還照客倚杖更隨人  
是自是

不經人道光射潛蚪動明翻宿鳥頻茅齋依橘柚清切露華

新

### 白露

白露團甘子清晨散馬蹄圃開連石樹船渡入江溪憑

几看魚樂迴鞭急鳥棲漸知秋實美幽徑恐多蹊

孟氏

鶴曰五十二倉曹與十四主簿也

孟氏好兄弟養親唯小園承顏胝手足坐客強盤餐負

米力葵外

力葵固不可解夕葵亦晦

讀書秋樹根卜鄰慚近舍訓子

覺先門

洙曰家語子路為親負米夢弼曰力一作夕洙曰先門謂孟母教子擇鄰也

驅豎子摘蒼耳

江上秋已分林中瘴猶劇畦丁告勞苦無以供日夕蓬  
蒿猶不焦野蔬暗泉石卷耳況療風童兒且時摘侵星

驅之去爛漫任遠適放筐亭午際洗剝相蒙幕登牀半  
生熟下筋還小益加點瓜薤間依稀橘奴跡亂世誅求  
急黎民糠粃窄飽食復何心荒哉膏粱客富家厨肉臭  
戰地骸骨白寄語惡少年黃金且休擲

夢弼曰登牀謂薦之於俎也趙

曰小益謂卷耳菜能療風也洙曰李衡種橘於龍陽洲謂其子曰吾有千頭木奴歲可收絹千匹夢符曰漢書陳平傳亦食糠覈耳注云覈音訖京師人謂麤屑為訖頭唐柳芳氏族論三世有三公者曰膏粱有令僕曰華腴夢弼曰西京雜記漢佞幸有韓嫣好彈以金為丸所失者日有千餘長安為之語曰苦饑寒逐金丸

同元使君春陵行

大歷二年秋夢州作鶴曰公時居夢之瀼西

覽道州元使君結春陵行蕪賊退後示官吏作二首

志之曰當天子分憂之地效漢官良吏之日今盜賊  
未息知民疾苦得結輩十數公落落然參錯天下為  
邦伯萬物吐氣天下少安可待矣不意復見此興體  
制微婉頓挫之詞感而有詩增諸卷軸簡知我者不

必寄元

此意  
尤好

遭亂髮盡白轉衰病相嬰沈縣盜賊際狼狽江漢行歎  
時藥力薄為客羸瘵成吾人詩家秀博采世上名

自叙  
如此

而起興如此比元之二詩故是作者

粲粲元道州前聖畏後生觀乎春陵

作歛見俊哲情復覽賊退篇結也實國楨賈誼昔流勸

匡衡常引經道州憂黎庶詞氣浩縱橫兩章對秋月一

字偕華星致君唐虞際純朴憶大庭何時降璽書用爾

為丹青

丹青謂圖像示人也

獄訟久衰息豈惟偃甲兵悽惻念誅

求薄歛近休明乃知正人意不苟飛長纓涼颿振南岳

之子寵若驚色沮金印大興含滄溟清

謂元詩有棄官刺船語

我

多長卿病日夕思朝廷肺枯渴大甚漂泊公孫城嘯兒

具紙筆隱几臨軒楹作詩呻吟內墨淡字歌傾感彼危

苦詞庶幾知者聽

其首尾如此情事甚真。洙曰漢賈誼上疏云當今事勢可為慟哭者一

可為流涕者二匡衡陳便宜及朝廷有政議傳經以對  
夢弼曰兩章即元結春陵行及賊退示官吏作洙曰莊  
子注大庭氏古者至德之世也漢宣帝時二千石有治  
理効輒以璽書勉勵夢弼曰近休明謂為治近乎三代  
休明之時也左傳楚子觀兵於周疆問鼎之大小輕重  
王孫滿對曰德之休明雖小重也其森回昏亂雖大輕  
也趙曰不苟飛長纓謂元結不苟且在冠冕之中也  
洙曰長卿病謂病渴也公孫城謂白帝城即夔州也

春陵行

并序

元結次山

癸卯歲漫叟授道州刺史道州舊四萬餘戶經賊



已來不滿四千大半不勝賦稅到官未五十日承  
諸使徵求符牒二百餘封皆曰失其限者罪至貶  
削於戲若悉應其命則州縣破亂刺史欲焉逃罪  
若不應命又即獲罪戾必不免也吾將守官靜以  
安人待罪而已此州是春陵故地故作春陵行以  
達下情

軍國多所須切責在有司有司臨郡縣刑法竟欲施  
供給豈不憂徵歛又可悲州小經亂亡遺人實困疲

大鄉無十家大族命單羸朝餐是草根暮食乃木皮  
出言氣欲絕意速行步遲追噉尚不忍況乃鞭扑之  
郵亭傳急符來往跡相追更無寬大恩但有迫促期  
欲令鬻兒女言發恐亂隨悉使索其家而又無生資  
聽彼道路言怨傷誰復知去冬山賊來殺奪幾無遺  
所願見王官撫養以惠慈奈何重驅逐不使存活為  
安人天子命符節我所持州縣忽亂亡得罪復是誰  
逋緩違詔令蒙責固所宜前賢重守分惡以禍福移

亦云貴守官不愛能適時顧惟孱弱者正直當不虧  
何人采國風吾欲獻此辭

賊退示官吏

并序

元結次山

癸卯歲西原賊入道州焚掠幾盡而去明年賊又  
攻永破邵不犯此州邊鄙而退豈力能制敵歟蓋  
蒙其傷憐而已諸使何為忍苦徵歛故作詩一篇  
以示官吏

昔歲逢太平山林二十年泉源在庭戶洞壑當門前

井稅有常期日晏猶得眠忽然遭世變數歲親戎旃  
今來典斯郡山夷又紛然城小賊不屠人貧傷可憐  
是以陷鄰境此州獨見全使臣將王命豈不如賊焉  
今彼徵歛者迫之如火煎誰能絕人命以作時世賢  
思欲委符節引竿自刺船將家就魚麥歸老江湖邊  
寄狄明府博濟

梁公曾孫我姨弟不見十年官濟濟大賢之後竟陵遲  
浩蕩古今同一體比看伯叔四十人有才無命百寮底

今者兄弟一百人

百狄四十叔

幾人卓絕秉周禮在汝更用

文章為長兄白眉復天啟汝門請從曾翁說

曾翁即曾祖

太

后當朝多巧計狄公執政在末年濁河中不污清濟國

嗣初將付諸武公獨廷諍守丹陛禁中決冊詔房陵前

朝長老皆流涕太宗社稷一朝正漢官威儀重昭洗時

危始識不世才誰謂荼苦甘如薺汝曹又宜裂土食身

使門戶多旌榮胡為飄泊岷漢間干謁王侯頗歷詆況

乃山高水有波秋風蕭蕭露泥泥虎之饑下巉岵蛟之

橫出清泚早歸來黃土汚人眼易眯

洙曰狄仁傑封梁國公左傳魯秉周

禮蜀志馬良兄弟五人並有才名鄉里為之諺曰馬氏五常白眉最良左傳天將啟之按武后當朝革唐為周廢中宗為廬陵王遷于房州欲以武三思為太子仁傑數諫后感悟即日迎中宗復唐社稷希曰裂土即裂地樂毅書裂地而封之趙曰唐制節度使就第賜旌節三品以上門立戟漢書注有衣之戟曰祭洙曰詆訐也漢息夫躬歷詆公卿大臣歐曰昧莫禮切莊子秕糠眯目

### 寄韓諫議注

今我不樂思岳陽身欲奮飛病在牀美人娟娟隔秋水  
濯足洞庭望八荒鴻飛冥冥日月白青楓葉赤天雨霜

玉京羣帝集北斗或騎麒麟翳鳳凰芙蓉旌旗煙霧樂  
影動倒景搖瀟湘星宮之君醉瓊漿羽人稀少不在傍  
似聞昨者赤松子恐是漢代韓張良昔隨劉氏定長安  
帷幄未改神慘傷國家成敗吾豈敢色難腥腐餐楓香  
周南留滯古莫惜南極老人應壽昌美人胡為隔秋水  
焉得置之貢玉堂

師曰地理志岳州巴陵郡在岳之陽故曰岳陽有君山洞庭湖湘江之勝

洙曰梁元帝纂要云日光曰景司馬相如賦貫列缺之倒景趙曰楚辭仍羽人於丹丘洙曰漢張良其先韓人也高祖曰運籌帷幄之中決勝千里之外子房功也良願棄人間事從赤松子遊乃學辟穀導引輕身呂后德

其安太子乃強食之曰人生一世間如白駒過隙何至  
自苦如此乎良不得已強聽而食趙曰神仙傳壺公數  
試費長房繼令嗽酒臭惡非常長房難之洙曰史記人  
史公留滯周南春秋元命苞云老人星治平則見見則  
主壽

昌

# 寄岑嘉州

公自注州據蜀江  
外趙曰岑參也

不見故人十年餘不道故人無素書願逢顏色關塞遠  
豈意出守江城居外江三峽且相接斗酒新詩終自疎  
謝朓每篇堪諷誦馮唐已老聽吹噓泊船秋夜經春草  
伏枕青楓限玉除眼前所寄選何物贈子雲安雙鯉魚



洙曰宋謝朓字玄暉漢文帝問馮唐曰父老何自為郎  
趙曰青楓謂楚地王除謂京闕也鶴曰夔州雲安郡也  
洙曰古詩客從遠  
方來遺我雙鯉魚

魏將軍歌

將軍昔著從事衫

一語便奇

鐵馬馳突重兩銜被堅執銳略

西極崑崙月窟東嶄巖

好句法

君門羽林萬猛士惡若哮

虎子所監五年起家列霜戟一日過海收風帆平生流

輦徒蠢蠢長安少年氣欲盡魏侯骨聳精爽緊華嶽峰

尖見秋隼星纏寶校金盤陀夜騎天駟超天河撓槍熒

惑不敢動翠蕤雲旂相蕩摩吾為子起歌都護酒闌插

劍肝膽露鈎陳蒼蒼風玄武萬歲千秋奉明主臨江節

士安足數

起伏音節壯麗甚偉。注謂子美自稱節士此必不可者也。洙曰被堅執銳見漢書嶄巖

參差見相如上林賦鄭曰嶄仕咸切石高峻貌荆溪吳子良明輔云崑崙月窟在西而謂之東者蓋謂魏將軍略地至西方之極而回顧崑崙月窟却在東也洙曰君門羽林禁旂也漢有羽林軍趙曰隼鷩鳥也時可曰星經寶校金盤陀謂馬裝也顏延年赭白馬賦云貝服金組兼飾丹艧寶校星經緯章霞布洙曰天官書漢中四星曰天駟撓搶妖星也熒惑火星也翠蕤雲旂皆旗也鄭曰撓初銜切搶楚耕切旂所交切夢弼曰古樂府有丁都護歌樂錄云丁都護歌者彭城內史徐達為魯軌所殺宋高祖乃使督護丁賁收殯之達妻高祖長女也

呼昨至閣下自問欽送之事每問輒歎息曰丁都護其  
聲哀切後人因其聲廣其曲焉趙曰鈞陳星名玄武關  
名修可曰臨江節士史失其名唯古樂府載宋陸厥臨  
江王節士歌曰節士慷慨髮上衝冠彎弓掛弱水長劍  
疎雲

端

# 秋峽

江濤萬古峽肺氣久衰翁不寐防巴虎全生狎楚童

至狎

樵豎且以自全

衣裳垂素髮門巷落丹楓常怪商山老兼存翊

贊功

非無能無忠者

# 日暮

牛羊下來久各已閉柴門風月自清夜江山非故園

人人

能言人人不能言與  
可惜歡娛地同耳

石泉流暗壁草露滴秋根頭白燈

明裏何須花燼繁

月

四更山吐月殘夜水明樓塵匣元開鏡風簾自上鉤  
兔應疑鶴髮蟾亦戀貂裘斟酌姮娥寡天寒柰九秋

曉望

白帝更聲盡陽臺曉色分高峰寒上日疊嶺宿霾雲地

坼江帆隱天清木葉聞

語至不可解則妙耳

荆扉對麋鹿應共爾

為羣

別李祕書始興寺所居

不見祕書心若失及見祕書失心疾安為動主理信然

我獨覺子神充實重聞西方止觀經老身古寺風泠泠

妻兒待米且歸去他日杖藜來細聽

磊落真率語短而暢亦自本分蕭

散有情賢於強知解者

九月一日過孟十二倉曹十四主簿兄弟

鶴曰按史是年

九月吐蕃寇靈州

邠州京師戒嚴

藜杖侵寒露蓬門啟曙煙力稀經樹歇老困撥書眠

語自

稱意秋覺追隨盡來因孝友偏清談見滋味爾輩可忘年

趙曰漢稱衡始弱冠孔

融年四十為忘年交

### 過客相尋

窮老真無事江山已定居地幽忘盥櫛客至罷琴書挂壁移筐果噉兒問煮魚時聞繫舟楫及此問吾廬

孟倉曹步趾領酒醬二物滿器見遺老夫

楚岫通秋屐胡牀面夕畦藉糟分汁滓甕醬落提攜飯

糲添香味朋來有醉泥理生那免俗方法報山妻

洙曰劉伶

酒德頌枕麴藉糟趙曰周禮醴齊注云醴猶體也成而汁滓相將夢弼曰司馬遷傳堯舜醴梁之食注音粹張晏曰一斛粟舂七斗米為糲醉如泥見漢周澤傳師曰方法謂造酒醬之方法也

課小豎鉏斫舍北果林枝蔓荒穢淨訖移牀三首

病枕依茅棟荒鉏淨果林背堂資僻遠在野興清深山

雉防求敵江猿應獨吟洩雲高不去隱几亦無心

資防應洩

雲突兀甚  
○解不得

衆壑生寒早長林卷霧齊青蟲懸就日朱果落封泥

亦眼

前人所以不到

薄俗防人面全身學馬蹄

馬蹄亦得大意

吟詩坐迴首

隨意葛巾低

自畫○洙曰左傳子產曰人心不同如其面焉趙曰莊子馬蹄可以踐霜雪毛可以

禦風寒龍草飲水翹足而陸此馬之真性也

籬弱門何向沙虛岫只摧

字意宛轉

日斜魚更食客散鳥還

來

幽趣宛密

寒水光難定秋山響易哀天涯稍曛黑倚杖更

徘徊

溪上



峽內淹留客溪邊四五家古苔生迤地秋竹隱疎花塞

俗人無井山田飯有沙西江使船至時復問京華

鶴曰苔一

作苔鄭曰迤側格切迫也

### 中夜

中夜江山靜危樓望北辰長為萬里客有愧百年身故  
國風雲氣高堂戰伐塵胡雛負恩澤嗟爾太平人

### 復愁十二首

人煙生處僻虎跡過新蹄野鵲窺草村船逆上溪

釣艇收緝盡昏鴉接翅稀月生初學扇雲細不成衣

萬國尚防寇故園今若何昔歸相識少

今又可知

早已戰塲

多

身覺省郎在家須農事歸年深荒草徑老恐失柴扉

金絲鏤箭鏃阜尾掣旗竿一自風塵起猶嗟行路難

洙曰

金絲箭阜尾

旗皆胡服也

正觀銅牙弩開元錦獸張花門小箭好此物棄沙塲

用夷

變夏輕棄前輩。趙曰書若虞機張則所謂錦獸張者亦弩之物耳鶴曰漢書申屠嘉以材官蹶張注曰材官

之士多力能腳踏強弩張之  
故曰蹶張師曰花門回紇也

胡虜何曾盛干戈不肯休閭閻聽小子談笑覓封侯

鶴曰

按唐史至德年間府庫無蓄積朝廷專以官爵賞功諸將出師皆給空名告身自開府特進列卿大將軍以至中郎郎將聽臨事注名及清渠之敗復以官爵收散卒應募入軍者一切衣金紫至有朝士僮僕衣金紫稱大官而執賤役者

今日翔麟馬先宜駕鼓車無勞問河北諸將角榮華

夢符

曰按唐志翔麟廐名洙曰漢文帝以千里馬駕鼓車

任轉江淮粟休添苑囿兵由來貔虎士不滿鳳凰城

趙曰

鳳凰城謂

京兆也

江上亦秋色火雲終不移巫山猶錦樹南國且黃鸝

每恨陶彭澤無錢對菊花如今九日至自覺酒須賒

洙曰

南史陶潛九日無酒出宅邊叢菊中坐久之逢刺史王弘送酒至即醉而歸

病減詩仍拙吟多意有餘莫看江揔老猶被賞時魚

洙曰

江揔字揔持在陳授尚書令陳破入隋後復歸老江南師曰子美檢校工部朱紱銀魚故託江揔以自況也

### 搖落

搖落巫山暮寒江東北流煙塵多戰鼓風浪少行舟鵝

費羲之墨貂餘季子裘長懷報明主臥病復高秋

洙曰晉王

羲之愛鵝山陰道士養好鵝因爲寫道德經籠鵝而歸趙曰戰國策蘇秦字季子游說秦王黑貂之裘敝

九日五首

重陽獨酌杯中酒抱病起登江上臺竹葉於人既無分  
菊花從此不須開殊方日落玄猿哭舊國霜前白鴈來

弟妹蕭條各何往干戈衰謝兩相催

起一作豈洙曰張景陽七命乃有荆

南烏程豫北竹葉竹葉酒名也鮑曰筆談載北方有白鴈似鴈而小秋深乃來來則霜降北人謂之霜信

舊日重陽日傳杯不放杯即今蓬鬢改但媿菊花開北

關心長戀西江首獨迴茱萸賜朝士難得一枝來

洙曰  
唐志

九日賜宴

及茱萸

舊與蘇司業兼隨鄭廣文采花香泛泛坐客醉紛紛野  
樹歌還倚秋砧醒却聞歡娛兩冥冥西北有孤雲

故里樊川菊登高素漣源他時一笑後今日幾人存巫  
峽蟠江路終南對國門繫舟身萬里伏枕淚雙痕為客

裁烏帽從兒具綠樽佳辰對羣盜愁絕更堪論

鶴曰樊  
川以漢

將軍樊噲食邑於此得名即杜陵之鄉漣水為長安大  
川漣所簡切夢弼曰終南長安之南山也洙曰沈休文

詩憂來  
命綠樽

風急天高猿嘯哀，渚清沙白鳥飛迴。  
無邊落木蕭蕭下，不盡長江滾滾來。

句自  
雄暢

萬里悲秋常作客，百年多病獨

登臺艱難苦，恨繁霜鬢潦倒新停濁酒杯。

結復  
鄭重

### 季秋江村

喬木村墟古，疎籬野蔓懸。  
素琴將暇日，白首望霜天。  
登俎黃甘重，支牀錦石圓。  
遠游雖寂寞，難見此山川。

季秋蘇五弟纓江樓夜宴崔十三評事韋少府姪

三首

峽險江驚急樓高月迥明一時今夕會萬里故鄉情星

落黃姑渚秋辭白帝城老人因酒病堅坐看君傾

夢弼曰十

道志忠州有黃姑渚或謂古樂府東飛伯勞西飛燕黃姑織女時相見黃姑即河鼓也乃俗聲之轉耳

明月生長好浮雲薄漸遮悠悠照邊塞悄悄憶京華清

動杯中物高隨海上查不眠瞻白兔百過落烏紗

洙曰陶潛

詩天運苟如此且進杯中物海上查注見前

對月那無酒登樓況有江

扶疎曲折自不容無

聽歌驚白鬢笑舞



拓秋窻樽蟻添相續沙鷗並一雙盡憐君醉倒更覺片

心降

洙曰釋名酒有浮蟻在上泛泛然

暮歸

霜黃碧梧白鶴棲城上擊柝復烏啼客子入門月皎皎  
誰家搗練風淒淒

古樂府少及

南渡桂水闕舟楫北歸秦川

多鼓鞀年過半百不稱意明日看雲還杖藜

送孟十二倉曹赴東京選

鶴曰唐志太宗時以歲早穀貴通入選者集于

洛州謂

之東選

君行別老親此去苦家貧藻鏡留連客

藻鏡亦拙

江山憔悴

人憔悴字活道塗之歎流滯之感也

秋風楚竹冷夜雪鞏梅春朝夕高

堂念應宜綵服新

夢符曰晉書制曰藻鏡銓衡尹曰唐舊史許子儒居選部不以藻鏡為意

希曰變屬楚地

治州有鞏縣

憑孟倉曹將書覓土婁舊莊

鶴曰土婁河南地名也

平居喪亂後不到洛陽岑為歷雲山問無辭荆棘深北風黃葉下南浦白頭吟十載江湖客茫茫遲暮心

耳聾

生年鵲冠子

謂世方尚武

歎世鹿皮翁眼復幾時暗耳從前

月聲

意甚怨

猿鳴秋淚缺雀噪晚愁空黃落驚山樹啼兒

問朔風

不聞風聲惟見落葉。師曰鵲男雉也其鬬無已一死乃亡故趙武靈王以為冠以表武士夢

弼曰後漢與服志鵲冠環纓無鞋如雙鵲尾在左右五官虎黃羽林皆冠之黃曰楚人有隱居山中以鵲為冠因號鵲冠子出袁淑真隱傳洙曰劉向列仙傳鹿皮翁葛川人居本山上百餘年下賣藥於市

小園

由來巫峽水本自楚人家客病留因藥春深買為花

倒句

矯異 秋庭風落果灤岍雨頽沙問俗營寒事將詩待物華

夜

絕岼風威動寒房燭影微嶺猿霜外宿江鳥夜深飛獨

坐親雄劒哀歌歎短衣煙塵繞閭闔白首壯心違

夢弼曰漢

禮樂志注閭

閭天門也

奉酬薛十二丈判官見贈

忽忽峽中睡

不知其何從來何所指但覺彼此有之

悲風方一醒西來有

好鳥為我下青冥羽毛淨白雪慘澹飛雲汀既蒙主人

顧舉翮唳孤亭

連用六句引譬而不終

持以比佳士及此慰揚舲

清文動哀玉見道發新硯欲學鵠夷子待勒燕山銘誰  
重斬郅劒致君君未聽志在麒麟閣無心雲母屏卓氏  
近新寡豪家朱門扃相如才調逸銀漢會雙星客來洗  
粉黛日暮拾流螢

此其用孟光車亂事以美新昏也隱約之甚。其人必新娶

不是

無膏火勸郎勤六經老夫自汲澗野水日泠泠我歎黑  
頭白君看銀印青

銀印青以銀青期之也

臥病識山鬼為農知地

形誰矜坐錦帳苦厭食魚腥東南兩岼圻橫木注滄溟  
碧色忽惆悵風雷搜百靈空中右白虎赤節引娉婷自

云帝里女嘆雨鳳凰翎襄王薄行跡莫學冷如丁千秋

一拭淚夢覺有微馨

偶叙峽中忽及神女期前卓意又託丁鶴則猶前好鳥也

人生

相感動金石兩青瑩丈人但安坐休辯渭與涇龍蛇尚  
格鬪灑血暗郊垆吾聞聰明主治國用輕刑銷兵鑄農

器今古歲方寧文王日儉德俊乂始盈庭榮華貴少壯

豈食楚江萍

師曰漢武故事上忽見一青鳥從西方集殿前東方朔曰此西王母欲來也公以薛

有仙姿故以況之高曰揚舠行舟也洙曰莊子屠牛坦  
刀刃若新發於硎范蠡既破吳乃浮江湖變名姓為鴟  
夷子皮後漢竇憲擊匈奴大破之登燕然山刻石勒功  
紀漢威德班固作銘夢弼曰漢元帝時西域都護甘延

壽陳湯斬郅支單于於康居洙曰漢鄭弘為太尉時舉第五倫為司空班次在下每正朔朝見弘曲躬自卑上遂聽置雲母屏風分隔其間司馬相如初遊臨邛臨邛之富人卓氏有女文君新寡相如以琴心挑之文君夜奔相如漢百官志郎官給錦帳希曰本作空中石白虎善本石作右洙曰本一作帝季女文選我天帝之季女襄王夢神女遼東華表曰言丁令威注並見前洙曰家語楚昭王渡江得一物大如斗圓而赤使使聘魯問於孔子孔子曰此所謂萍實者也可剖而食之

送李八秘書赴杜相公幕

鶴曰按是年六月劍南節度杜鴻漸自成都入朝

青簾白舫益州來  
巫峽秋濤天地迴  
石出倒聽楓葉下

櫓搖背指菊花開

兩句皆目擊自然而險易天出極舟行之妙

貪趨相府今

晨發恐失佳期後命催南極一星朝北斗

南極朝北斗不必可解

五雲多處是三台

趙曰南極一星謂李秘書北斗指長安三台謂杜相公

贈李八秘書別三十韻

往時中補右扈蹕上元初反氣陵行在妖星下直廬六  
龍瞻漢闕萬騎略姚墟玄朔回天步神都憶帝車一戎

纔汗馬

一戎不成語

百姓免為魚通籍蟠螭印差肩列鳳輿

從萬騎略姚墟來不意至此然非為通籍地也詩之少識謂此

事殊迎代邸喜異賞朱

虛冠盜方歸順乾坤欲晏如不才同補袞奉詔許牽裾



鴛鴦叨雲閣麒麟滯玉除文園多病後中散舊交疎飄  
泊哀相見平生意有餘風煙巫峽遠臺榭楚宮虛觸目  
非論故新文尚起予清秋凋碧柳別浦落紅蕖消息多  
旗幟經過歎里閭戰連脣齒國軍急羽毛書幕府籌頻  
問山家藥正鋤

公自注秘書北  
臥青城山中

台星入朝謁使節有吹

噓西蜀災長弭南翁憤始攄對敷坑士卒乾沒費倉儲  
勢藉兵須用功無禮忽諸

無功而見禮者如  
此忽諸者驚也

御鞍金騾

裏宮硯玉蟾蜍拜舞銀鈎落恩波錦帕舒此行非不濟

良友昔相於去棹依顏色沿流想疾徐沈綿疲井白倚  
薄似樵漁乞米煩佳客鈔詩聽小胥杜陵斜晚照滴水

帶寒於莫話清溪髮蕭蕭白映梳

夢弼曰上元初止謂  
改元之初非年號姚

墟在漢中舜生於姚墟玄朔回天步謂肅宗即位靈武  
神都憶帝車謂玄宗幸蜀未還洙曰漢書丞相陳平太  
尉周勃朱虛侯劉章既誅諸呂迎代王於代邸而立之  
是為文帝文帝即位益封朱虛侯二千石黃金一千斤  
夢弼曰朱虛侯乃高祖齊王之子李祕書亦宗室也故  
以為比洙曰魏辛毗諫文帝帝不答起入內毗隨而引  
其裾漢司馬相如有消渴疾後為孝文園令晉嵇康拜  
中散大夫嘗與阮籍輩為竹林之遊左傳晉亡齒寒親  
武奏事曰若有急則插羽於檄謂之羽檄漢張湯傳乾  
沒注云得利為乾失利為沒玉蟾蜍貯硯水之器也鄭

曰乞去既切鈔楚交切洙  
曰杜陵滴水公之故里也

奉送韋中丞之晉赴湖南

鶴曰韋之晉  
為衡州刺史

寵渥徵黃漸權宜借寇頻湖南安背水

背水如  
依山

峽內憶

行春王室仍多故蒼生倚大臣還將徐孺榻處處待高

人洙曰漢黃霸為潁川太守治為天下第一徵守京兆  
尹冠恂從光武南征至潁川盜賊悉降百姓遮道曰

願從陛下復借寇君一年夢弼曰東方朔外傳郡守四  
馬駕車一馬行春詩曰峽內憶行春韋嘗守峽中郡徐

孺榻注

見前

聞惠子過東溪

惠子白驢瘦歸溪唯病身皇天無老眼空谷滯斯人崖

蜜松花熟山杯竹葉春柴門了生事黃綺未稱臣

定功曰本

草白蜜一名崖蜜蓋蜂作蜜於崖石間今云崖蜜松花熟又謂採松花而成蜜也賔退錄孫觀仲益與曾慥端伯書論詩云東坡橄欖詩已輸崖蜜十分甜惠洪以崖蜜為櫻桃又有俗子假東坡名注杜詩云金城土酥淨如練為蘆菰根者東坡地黃詩云崖蜜助甘冷山薑發芳辛制地黃法當用薑與蜜而用櫻桃可乎黃師是守酒揚州雲液却如酥謂土酥為蘆菰根可乎

大覺高僧蘭若

公自注和尚去冬往湖南

巫山不見廬山遠松林蘭若秋風晚一老猶鳴日暮鍾

諸僧尚乞齋時飯香爐風色隱晴湖種杏僊家近白榆

飛錫去年啼邑子獻花何日許門徒

趙曰廬山惠遠師也修可曰蘭若者

梵言阿蘭若唐言無淨因用以名寺若爾者切夢弼曰乞去既切洙曰廬山記東南有香爐峯神仙傳董奉居廬山治病重者種杏五株輕者一株號董仙杏林趙曰近白榆言其所居之高近乎星辰也古詩天上何所有歷歷種白榆趙曰飛錫謂和尚去冬往湖南見自注邑子謂同邑之子也希曰漢尹翁歸傳于定國欲屬託邑子兩人夢弼曰門徒謂從遊諸弟子也未知和尚歸在何日諸弟子當修供養以待之也

補遺

奉酬薛判官見贈

諸本誰重新邪劒一作新蛇劒蔡夢弼會箋云斷蛇劒事非所當用是新

邪劍乃用朱雲乞斬張禹事今按斬邪劍亦非豈邪字  
乃邪字之訛邪漢元帝時西域都護陳湯斬邪支單于  
於康居當作斬邪劍與上句待勒燕山銘下句志在麒麟  
閣意相屬後云龍蛇尚格鬩灑血暗郊垌黃鶴叔似  
注是年秋吐蕃入寇皆於集中已定作  
斬邪劍仍借蔡氏為注不復出增注也

# 百花潭水即滄浪

唐節度使崔寧妻冀國夫人家于浣  
花溪上初為兒童有僧過其家遍身

瘡穢夫人奉之甚謹僧持藥衣謂曰為我濯此夫人就  
溪浣之蓮花隨出潭中及貴俗呼百花潭見山谷外集  
注

# 和裴迪蜀州東亭逢早梅相憶

葛常之韻語陽秋曰杜  
詩東閣官梅動詩興還

如何遜在揚州按遜傳無揚州事而遜集亦無揚州梅  
花詩但有早梅詩云小園標物序驚時最是梅銜霜當

路發映雪凝寒開杖橫却月觀花繞凌風臺朝灑長門  
泣夕驅臨卣杯應知早飄落故逕上春來杜公前詩乃  
逢早梅而作故用何遜事又意却月凌風皆揚州臺觀  
名爾近時有妄人假東坡名作老杜事實一編無一事  
有據至謂遜作揚州法曹廨舍有  
梅一株吟詠其下豈不誤學者

陪李司馬早江上觀造竹橋

蔡興宗正異云合觀却笑  
千年事驅石何時到海東

題云觀造竹橋即日成句中合觀字謂聚觀橋  
成之速而笑驅石之誕諸本皆訛作歡非也

王十五前閣會

藝苑雌黃云江朝宗言杜詩俊味亦有  
來處本草蒟注云此物煮為羹極美

足為鎮中之俊  
詩見二十六卷

贈李八秘書


復齋漫錄云對揚坑士卒初不曉其義讀  
司馬相如上林賦抗士卒之精費府庫之

財抗五官切挫也方悟坑乃抗字之訛  
蓋李方入對宜論蜀中兵老財匱也





集千家註杜工部詩集卷十七



總校官庶吉士臣張能照

校對官編修臣閔惇大

謄錄監生臣宗維翰